



**AWIG-AWIG
DESA ADAT KOMALA**



**DESA BUDAKELING, KEC. BUBANDILM
KAB. DATI II KARANGASEM**

DAGING BUKU

AWIG-AWIG DESA ADAT KONALA

Daging Buku	palih.
MURDHA CITTA.....	
SARGA I ARAN LAN WEWIDANGAN DESA.....	1
SARGA II PETITIS LAN PAMIKUKUH.....	2
SARGA III SUKERTA TATA PAKRAMAN.....	2
Palet 1 Indik Krama.....	2
Palet 2 Indik Prajuru Desa.....	4
Palet 3 Indik Sangkepan.....	6
Palet 4 Indik Kukul.....	7
Palet 5 Indik Druwen Desa.....	8
Palet 6 Sukerta Pamitegep.....	9
Kaping 1 Karang lan Tegal.....	9
Kaping 2 Kekayon/Tanem tuwuh.....	10
Kaping 3 Wewangunan.....	12
Kaping 4 Wewalungan.....	12
Kaping 5 Indik Bhaya.....	13
Kaping 6 Penyanggran Banjar/Desa.....	14
SARGA IV SUKERTA TATA AGAMA.....	14
Palet 1 Indik Dewa Yadnya.....	14
Palet 2 Indik Resi Yadnya.....	19
Palet 3 Indik Pitra Yadnya.....	20
Palet 4 Indik Buta Yadnya.....	22
Palet 5 Indik Manusa Yadnya.....	23
SARGA V SUKERTA TATA PAWONGAN.....	24
Palet 1 Indik Pawiwahan.....	24
Palet 2 Indik Palas Merabian.....	26
Palet 3 Indik Pari Sentana.....	28
Palet 4 Indik Warisan.....	29
SARGA VI WICARA LAN PAMIDANDA.....	30
Palet 1 Indik Wicara.....	30
Palet 2 Indik Pamidanda.....	31
SARGA VII NGUWAH-NGUWUHIN AWIG-AWIG.....	33
SARGA VIII P E M U R U T.....	33

MURDHA - CITTA.

AUM, OM.

OM SWASTIASTU, OM AWIGHNAMASTU NAMA SIDHAM,
 PUTUSING PASEBAN KRAMA DESA ADAT KOMALA GUMAVE AWIG-
 AWIG DESA BAKRAMAN MAKE SEPAT SIKU-SIKU PAMENEH, WAS
 TU KASIDA PRAYOJANAN MAMI KABEH PRESAME ANGIDEP MWAH
 AMAGEHAKEN KADI LINGING AWIG-AWIG IKI.

==== ### =====

- (1) Wawidangan Desa Adat Komala s.d. s.d. Kecamatan Jember:
 - a. Utomo (Kawali) inggih punika Periyangan Desa,
 - b. Hadia (Kawali) inggih punika Periyangan Desa,
 - c. Nista (Kawali) inggih punika Periyangan Desa.
- (2) Wawidangan Peratus Desa Adat Komala s.d. s.d. Kecamatan Jember:
 - a. ...
 - b. ...
 - c. ...

Sowan-sowan Banjar Adat peratus nganti ...
 silih peratus silih peratus.

SARGA I

ARAN LAN WEWIDANGAN DESA

Pawos 1

- (1) Desa Adat puniki mawasta Desa Adat Komala.
- (2) Jebag kekuwub wewidangan mewates nyatur :
 - a. Sisi Kangin Desa Adat Ababi.
 - n. Sisi Kelod Desa Adat Budakeling.
 - c. Sisi Kauh Desa Adat Liligundi.
 - r. Sisi Kaler Desa Adat Mangka.
- (3) Desa Adat puniki kewangun antuk munjuk lungsuring sa king :
 - a. Krama Desa tegak ayahan Desa 35 bulangkep.
 - n. Krama Desa sesabu 5 tempek :
 1. Tempek Desa Kaja.
 2. Tempek Desa Kauh.
 3. Tempek Desa Kelod.
 4. Tempek Desa Kangin.
 5. Tempek Desa Kaja Kangin.
- (4) Wawidangan/ Palemahan Desa Adat Komala ^{kecepah} ~~kesepah~~ dados 3 (tigang) Banjar Adat luwire :
 - a. Banjar Adat Komala.
 - n. Banjar Adat Linggasana.
 - c. Banjar Adat Bukitpaon.

Pawos 2

- (1) Wewidangan Desa Adat Komala manut Trimandala luwire:
 - a. Utama Mandala inggih punika Periyangan Desa.
 - n. Madia Mandala inggih punika papupulan Karang Pau mahan, Tegal, Carik lan Telajakannia.
 - c. Nista Mandala inggih punika ^{Setra} ~~Setra~~ Desa. ✓
- (2) Wates Palemahan patut kemanggehang antuk perarem - Desa.

Pawos 3

Sowang-Sowang Banjar Adat patut ngardi Awig-Awig muah-muah perarem make pamikukuhnia.

SARGA II

PETITIS LAN PAMIKUKUH

Pawos 4

Desa Adat Komala ngemanggehang dasar :

1. P a n c a s i l a.
2. U U D. 1945.
3. Trihita Karana manut ketatuwaning Agama Hindu.

Pawos 5

Luwir patitis Desa Adat Komala :

1. Mikukuh miwah ngerajegang Sanghyang Agama.
2. Nginggilang tata prewertine me Agama Hindu.
3. Ngerajegang Awig-Awig muah perarem Desa maka pamikukuh pawongannia sekala lan niskala.

SARGA III

SUKERTA TATA PAKRAMAN

Palet 1

Indik Krama

Pawos 6

- (1) Sane kebawos Krama Desa inggih punika kulewarga sane me Agama Hindu ngamong tegak ayahan Desa.
- (2) Sane kebawos Krama sesabu inggih punika kulewarga sane me Agama Hindu jumenek magenah ring palemahan Desa Adat Komala.
- (3) a. Krama penganeh kulewarga sane manut angka (1) ring-ajeng sane sinalih tunggil seda.
n. Krama Pengele utawi Krama Desa madedunungan inggih-punika keluarga sane manut angka (2) ring ajeng me-wiwit saking Desa Adat Komala sakewanten magenah ring dure Desa.
- (4) Krama Desa Dunungan inggih punika Krama saking dure Desa sane me Agama Hindu tur sampun bulangkep sane magenah ring Desa Adat Komala.

Pawos 7.....

Pawos 7

Ngawit dados Krama Desa Adat Komala :

- a. Tigang sasih saking pawiwahan.
- n. Krama sane mewiwit saking dure Desa sesampun bulangkep tur magenah ring sewidangan Desa Adat Komala sesampun-mewaneng 3 (tigang) sasih.

Pawos 8

Sehananing Krama Desa keni ayah-ayahan kadi ring sor -
puniki :

- a. Ayahan ngarep.
- n. Ayahan penganeh.
- c. Ayahan pengele.
- r. Ayahan Tapukan.

Pawos 9

Tegenan Krama Desa kadi ring sor puniki :

- a. Krama ngarep keni ayah-ayahan papeson memungkul.
- n. Krama penganeh, amung keni papeson penyamping.
- c. Dandanan waris manut Pawos 8 aksara (c) ring ajeng -
sane katinggalan yayahhrena sedurung munggah deha/te-
runa sane tan madruwe pangundul, ayah-ayahan miwah -
papeson kaluputin.
- r. Sekeha Gong ngarempon sehanan lelanguan sajroning upa-
cara Yadnya ring Desa Adat.
- k. Manut ring aksara (r) ring ajeng kaluputin ayahan -
Desa amung kakeninin papeson dasar aci kemawon tur -
olih-olihan Desa polih manut kadi ayahan ngarep.

Pawos 10

Swadarmaning Kerama, siyosan ring ayah-ayah Desa luwire;
Krama Desa patut :

- a. Dereda atuang ring Desa.
- n. Tinut saturut ring sedaging Awig-Awig miwah pasuara -
pasuara lan Perarem Desa.

Pawos 11.....

Pawos 11

Petuas utawi olih-olihan Krama Desa :

- (1) Polih pesayuban ngemanggehang luwir petitis tur keba wosin saha katiwakin pemutus sehanan wicarannia.
- (2) Mapuangked ngeluputin ayah-ayahan Desa Prade :
 - a. Mapewangun.
 - n. Meyadnya.
 - c. Metepetin keluarga sungkan.
 - r. Ngerauhin dedaunan saking Sang Amawerat risampun-polih lugraha saking Prajuru Desa.
- (3) Polih penyada risampun meyusa 70 warsa utawi macihna sungkan-sungkanan.

Pawos 12

Usan dados Krama Desa Adat riantukan :

1. S eda.
2. Sangkaning megingsir genah tur jumenek ring dure Desa.
3. Metilar saking Agama Hindu.
4. Sangkaning kaeladang riantukan setata mamurug Awig-Awig, pasuara lan perarem.
5. Sangkaning nyada risampun mayusa 70 warsa utawi me-cihna sungkan-sungkanan.
6. Prade usane tan rahayu wenang nawur kaiwang-iwangan nia luwire :
 - a. Yan ninggal utang, utang punika kapinggelang.
 - n. Yan ngeletehin Desa, prebeya sane kemedalang oleh Desa kapinggelang.

Palet 2

Indik Prajuru Desa

Pawos 13

Desa Adat Komala keenter antuk Prajuru Desa luwire :

- a. Kelian Desa.
- n. P e n y a r i k a n.
- c. Petengen/ Juru raksa.
- r. Juru arah.

Pawos 14

- (1) Tata Cara ngadegang ~~Paruman~~ Prajuru :
 - a. Mawiwit saking Krama ngarep.
 - n. Keadegang melarapan antuk kasudi ring sajroning Paruman Desa sanunggil 5 warsa tur dados kapi - lih malih.
- (2) Sane dados keadegang Prajuru Desa Adat Komala - luwire :
 - a. Tan Cedangga.
 - n. Wikan nyurat lan ngewacen aksare Bali utawi latin.
 - c. Nenten macihna sungkan-sungkanan.
 - r. Macihna nenten nahen melaksana corah.

Pawos 15

- (1) Klian Desa kesanggara antuk :
 - a. Pangliman pinaka wakil saking soang-soang Banjar sane mapiteges Klian Adat.
 - n. Penyarikan pinaka Juru Surat.
 - c. Petengen pinaka juru raksa.
 - r. Kasinoman pinaka saya utawi juru arah.
- (2) Sajroning ngenterang upacara-upacara yadnya kemargiang antuk Pemangku.

Pawos 16

- Swadarmaning Prajuru luwire :
- a. Ngenterang sedaging Awig-Awig pasuara miwah perarem.
 - n. Nuntun tur ngenterang Krama Desa ngupadi anut petitis.
 - c. Nuntun saha nyaksinin Tata Cara sehananing kauripan.
 - r. Pinaka duta Desa rikala nemuang bebawos ring sapesire ugi.
 - k. Maosin utawi niwakang pamutus majeng ring Krama manut Awig-Awig pasuwara lam perarem.
 - d. Prade sinalih tunggil Prajuru mamurug kecaping Awig Awig, pasuwara lan perarem keni panidanda nikel - saking krama desane, utawi dados kausanang manut - pemutus Paruman Desa.

Pawos 17

Petuas utawi olih-olihan Prajuru :

- a. Luput ayah-ayahan miwah pepeson.
- n. Canangan olih-olihan Desa.

Pawos 18

Prajuru kegentosin riantukan :

- a. Sangkaning galah pewanengan sampun telas.
- n. Sangkaning seda.
- c. Pinunas ngeraga risampun kelugrain olih Paruman Desa.
- r. Macihna sungkan-sungkanan.
- k. Mecihna melaksana corah.

Palet 3

Indik Sangkepan/Paruman

Pawos 19

(1) Sangkepan ring Desa Adat Komala luwire :

- a. Sangkepan Prajuru Desa Adat kawentenang ngesasih -
apisan sinunggil rahina Redite Pon, prade kapialong-
dados kerangkadang sangkepan inucap ring rahina -
Redite Kliwon.
- n. Sehanan sangkepan ring ajeng tan dados ^{encak} ~~encak~~ jantos-
asasih.

(2) Tata Cara Sangkepan puniki kemargiang sekadi ring sor :

- a. Risampun kecihnayang antuk suaran kulkul Krama desa-
ne patut nedunin, saha mabusana Adat senistania nye-
lempot, tur tan dados makta sehananing gegawan.
- n. Sangkepan kekawitin risampun ketedunin langkungan -
ring atenge saking Kramane sane patut nedunin.
- c. Tan maren kemanggala ngarcana Begawan Penyarikan ma-
ka serana widiwidane cane.
- r. Ngawit nyacak sepsepan.
- k. Pemutus keutsahayang melarapan gilik seguluk prade -
tan presida suarane sane makehan kesinanggeh pemutus.
- d. Maka penguntat nyacak dedosan.

- (1) Sajroning Sangkepan Desa, Prajuru patut nyiarang nge ninin Indik :
 - a. Munjuk lungsuring pakraman.
 - n. Sulur arta brana druwen Desa.
 - c. Rencana Prajuru ngeninin usaha Desane kaungkur.
 - r. Sehanan wicara saha pemuutusan.
- (2) Pesangkepan Desa Adat Komala kewentenang setunggil - 6 (enam) sasih apisan nemonin rahina Redite Wage Ku ningen.
- (3) Paruman Desa kewentenang padgata kala manut kebuat - ang.

Palet 4

Indik Kukul

Pawos 21

- (1) Kukul ring Desa Adat Komala luwire :
 - a. Kukul Desa.
 - n. Kukul ring Kahyangan.
 - c. Kukul ring Banjar soang-soang.
 - r. Kukul ring sekeha-sekehe manut wigunania.
- (2) Tetepakan tabuh kukul masiosan manut tetujon :
 - a. Tengeran Wali.
 - n. Tengeran pengewet ketepak menjangang setunggil - jagi sangkepan Desa sawetare sande kawon.
 - c. Tengeran tedun ngayah, utawi ngurusang sane sam - pun kearahang.
 - r. Tengeran Krama Sede, bulus kalih tuludan ngelam - bat.
 - k. Tengeran pawiwahan nguntit kalih tuludan.
 - d. Tengeran kepanca bhaya luwire :
 1. Kebaya pati lanarta bhaya utawi kebaak, kukul ketepak tigang tuludan bulus.
 2. Kegeni bhaya, kukul ketepak kalih tuludan - bulus.
 3. Ketoya bhaya, bayu bhaya, kukul ketepak atulu dan bulus.

- (1) Kukul Desa tan wenang ketepak, yan tan sangkaning kapituduh prajuru, sejawaning tengeran kepencabhaya.
- (2) Sang sapa sira ugi ngemangguhing sehanan pancabhaya wenang nepak kukul manut tenger bayane, wus nepak patut matur supeksa ring Prajuru Desa. Yan tan yuk ti wenten bhaya, sang nepak kedanda 100 kg beras.
- (3) Sehanan tengeran kukul kepanca bhaya inucap ring-ajeng patut katedunin olih Krama Desa sami saha - makta gegaman manut rupan bhayane.
- (4) Sukat utawi suaran kukul Banjar lan sekeha-sekeha siosan tan wenang ngematehin kukul Desa, Yan kapu rug kedanda 10 kg beras tur kukul inucap kedaut - olih Desa.

Palet 5

Indik Druwen Desa

Pawos 23

Padruwen Desa Adat Komala kadi ring sor puniki :

- (1) Kahyangan Desa utawi Kahyangan Tiga.
- (2) a. Tanah Tegak Kahyangan Desa.
n. Bukti Kliian ring Belulangan.
c. Pelaba Pura luwire :
 1. Laba Pura ring Belulangan.
 2. Laba Pura ring Telaga.
 3. Laba Pura Bukti Pemangku ring Panti.
- (3) Lembaga Perkriditan Desa (LPD).
- (4) Setra tigang palebahan tur keempon antuk Desa Adat - Komala luwire :
 - a. Setra Agung.
 - n. Setra Pemajangan.
 - c. Setra Saji.

(5) Peranti.....

(5) Peranti-Peranti Desa Adat Komala luwire :

- a. Penyimpunan Druwen 1 c.
- n. Bale Banjar ring soang-soang Banjar sawewidangan Desa Adat Komala.
- c. Beji Naga Satru ring Palud sane kemanggehang - bejin Desa.

(6) Ilen-Ilen wali ring Pura luwire :

Pendet, rejang, legong, seraman lan daratan/ wewa - len.

Pawos 24

- (1) Prajuru Desa Adat patut ngetangang druwen Desa.
- (2) Sehanan pikolih sane ngeranjing druwen Desa patut - keanggen prebeya ngaci lan prebeya pewangunan ring- Desa.
- (3) Senunggil Sangkepan Desa Prajuru patut ngetangang - parindik munjuk lungsurung padruwen Desa ring Krama ne antuk ilikita pastika.
- (4) Sekancan padruwen Desa patut wenten ilikitania.

Pawos 25

- (1) Pelaba Pura kesakap antuk Pemangkun Desa.
- (2) Busana kalih peayah-ayahan Desa kasimpen ring panyim penan Desa.

Pawos 26

- (1) Tan kalugra ngadol, ngantabang wiedin ngesahang sehananing padruwen Desa, sejawaning kegunyan manut- petitis lan sampun polih putusan Peruman Desa, Yan kapuzug kedanda 100 kg beras tur druwen Desa inucap kedaut olih Desa.

Palet 6

Sukerta Pamitegep

Kaping 1

Karang lan Tegal

Pawos 27.....

Pawos 27

- (1) Sang ngenahin Karang, patut ngewatesin karang inucap antuk tembok senistania antuk pagehan mangda kentenasri, Yan mamurug kedanda 5 kg beras.
- (2) Prade sinalih tunggil Krama Desa jaga ngarangin - patut sedurunge atur supeksa ring Prajuru Desa, mang da tan ngawetuang karang kebebeng, Yan mamurug kedanda 10 kg beras. Prade mapewangun tur wewangunan inucap ngewetuang karang Krama siosan kebebeng patut - kebubar senistania keured tur tan polih prebeya kapocolan.
- (3) Prade pagehan kasinanggeh ngalikadin yening pada - arsa penyendinge kengin ngangge pinget utawi pal saking Sang Amawerat.
- (4) Karang lan Telajakan mangda setata kepiare kewentenan kebersihannyane,

Pawos 28

- (1) Tegai miwah carik patut magegaleng kateben piteges - nia bates sisi kauh muah kelod patut kekaryanin turkapiare antuk sang madruwe tegai miwah carik.
- (2) Bates inucap kengin antuk pagehan wiyadin precihna - pal saking Sang Amawerat.

Pawos 29

- Sinalih tunggil Krama Desa tan ^{kewenangan} ngawenang:
- a. Ngelahlah tegak Kahyangan, Setra lan sekancan tegak - sane kasinanggeh suci, Yan mamurug kedanda 50 kg beras saha ngewaliang sane kelahlah maweweh Upacara penyangaskara.
 - n. Ngelahlah karang, tegal, bangket, margi wiyadin sane-siosan, Yan mamurug kedanda 50 kg beras tur ngewaliang sane kelahlah.
 - c. Ngembakang sombah kemargine/ kerurunge, kepekarangan-Krama siosan, toya inucap patut kekaryanang belung - bang, Yan kapurug kedanda 5 kg beras.

r. Ngentungang.....

- r. Ngentungang wangken wewalungan lan luhu kepekarangan krama siosan, kemargine/ kerurunge, kategale lan - kebangkete. Yan kepurug kedanda 25 kg beras, saha - wangken wewalungan, luhu - luhu inucap ketanem olih- Sang ngentungang.
- k. Nenten dados ngempet rurung/ margi sane sampun wen - ten tur kantung setata kelintangin. Yan kapurug kedanda 25 kg beras tur margi inucap keembakang malih.

Kaping 2

Kekayon/ tanem tuwuh

Pawos 30

- (1) Ngawit nanem tanem tuwuh ring bangket utawi kubon - patut adepa agung (1,5 meter) ngejeroang sakeng bate se/ pemaledan.
- (2) Prade wenten taru mentik sajroning wates, yan sina - lih tunggil penyandinge keberatan patut atur supeksa ring Prajuru Desa, tur prajuru Desa patut maritetes - saha ngicen panepas. Yan yukti taru inucap patut ke - rebah, taru inucap keparo tiga, asiki katur ke Desa, muah sane kekalih keepah antuk Sang madruwe wates.
- (3) Prade wenten wit taru kapineh jaga mayanin :
- a. Sang kajerihan patut matur supeksa ring Prajuru - Desa.
- n. Prajuru Desa patut maritetes tur ngicenin pamutus mangda taru inucap kerebah senistania kepunggul.
- (4) Prade wenten kekayonan ngungkulin pekarangan anak si os, Sang madruwe karang sane kaungkulin patut atur - supeksa ring Prajuru Desa, tur Prajuru Desa maritetes saha ngicenin pamutus.
- Prade yukti kadi inucap patut kapunggul kekayonan - punika, tur tan polih prabea kepocolan.

Pawos 31

- (1) Taru kekeran Desa pacang anggen mepewangun ring Desa luwire :

a.....

- a. Taru Cempaka.
 - n. Taru ketewel.
 - c. Taru Majegawu.
- (2) Yan wenten Krama Desa pacang ngerebah taru larangan -
Desa patut atur supeksa ring Prajuru Desa saha polih-
lekita.
- (3) Prade wenten memurug kedanda 10 kg beras sane awit -
tur taru inucap kedaut olih Desa.
- (4) Rikala Desa pacang mapewangun aci ngusaba dangsil we-
nang ngemargiang rerampagan ring wewidangan Desa Adat
Komla.

Kaping 3

Wewangunan

Pawos 32

Wewangunan patut :

- a. Yan praside dados ngangge asta bumi miwah asta kosala-
kosali.
- n. Tan ngungkulin pekarangan anak siosan.
- c. Tan ngelintangin wates.
- r. Yan ngewangun ngungkulin utawi ngelintangin wates patut
sedurunge ngewentenang paigun ring penyandinge saha -
kesaksinin olih Prajuru Desa tur kelekitayang.
- k. Prade mamurug :
 - 1. Yan ngungkulin, wewangunan inucap wenang keured se-
nistania keabangin olih Sang madruwe wewangunan.
 - 2. Yan ngelintangin wates wewangunan inucap wenang ke-
gubar sekadi watese saha tan polih prebeya kepoco -
lan.

Kaping 4

Wewalungan

Pawos 33

- (1) Sehanan Krama Desa sane maniare wewalungan patut nite-
nin negul utawi ngelogorin mangda tan ngerusak karang-
utawi pakubonan krama siosan, Yan mamurug keni danda -
5 kg beras tur ngewaliang sane rusak manut pengarga.

(2) Prade.....

- (2) Prade ngerusak tegak suci sejaba keni pamidanda ma
nut wiwit (1) meweweh upakara penyangaskara eka -
sata.
- (3) Prade naban wewalungan, sang naban patut pramang -
kin atur supeksa ring prajuru Desa tan kasepan -
ring arahina awengi saha wewalungan inucap kepiare
kadi patut kalih sang madruwe wewalungan patut ne-
bas prebeya pangingunia.
- (4) Prajuru sesampun polih atur supeksa patut ring ge-
lis maosin tur saha ngicen pemutus.

Pawos 34

- (1) Tan kalugra ngangon miwah negul wewalungan ring :
 - a. Palembang tegak Kahyangan utawi Pemerajan.
 - n. Pundukan miwah pagohan krama siosan kalih ring-
margi-margi sewidangan Desa.
- (2) Prade memurug sekadi inucap ring ajeng keni denda-
5 kg beras.

Kaping 5

Indik Bhaya

Pawos 35

- (1) Sane kasinanggeh bhaya punika Panca bhaya luwir -
ipun :
 - a. Jiwa bhaya utawi kebhayapati.
 - n. Geni bhaya utawi kepuwunan.
 - c. Bayu bhaya utawi angin lilus.
 - r. Toya bhaya utawi kagentuhan.
 - h. Arta bhaya utawi kemalingan.
- (2) Ritatkala ketiben Panca bhaya, sang sapa sira ugi-
kepatut nepak kulkul manut tetenger bhayane tur se
sampune nepak patut atur supeksa ring Prajuru Desa
Yan tan jati wenten bhaya wenang kapidanda 25 kg -
beras.
- (3) Tetengeran kulkul kepanca bhaya manut pawos 21 wi-
wit (2) aksara d.

(4) Yan wenten.....

- (4) Yan wenten Krama Desa katiben artha bhaya luwir-
ipun kemalingan patut ring gelis atur supeksa -
ring Prajuru Desa kalih ring Sang Amawer, t.

Kaping 6

Penyanggran Banjar/Desa

Pawos 36

Rikala ngewangun Yadnya suka/ duka utawi ala/ ayu ke-
ngin nunas pangeremban Banjar sajroning Upacara Panca
Yadnya kalih ngingsirang wewangunan.

SARGA IV

SUKERTA TATA AGAMA

Palet 1

Indik Dewa Yadnya

Pawos 37

- (1) Sane kemanggehang Kahyangan Desa sekadi ring sor:

- a. Pura Dalem.
- n. Pura Puseh ring Panti.
- c. Pura Telaga.
- r. Pura Ulun Suwi.
- k. Pura Pesucian.
- d. Pura Puncak Sari.

- (2) Sejawaning Kahyangan Desa ring ajeng taler wenten
pesucian Kahyangan Desa ring Bedugul, sane kepia-
re antuk para pemangku-pemangku, Desa, Banjar, Pe
maksan kalih Dadia-Dadia sewidangan Desa Adat Ko-
mala, mungguing prebaya mahayu kemedalin oleh -
Desa.

Pawos 38

Sukerta Kahyangan kadl ring sor :

- (1) Prajuru Desa Adat muah Krama Desa Adat patut nge-
manggehang kesucian Kahyangan Desa.
- (2) Bacakan sane tan dados ngeranjing ring sajroning-
Kahyangan luwire :

a.....

- a. Sang sebel (Ngeraja swala) selami durung mabersih.
- n. Wong pawistri madruwe oka wiadin keruron selami -
durung akambuhan (asasih pitung rahina utawi 42
rahina).
- c. Sebel Pengantenan sedurung mebenkaon/ merebu.
- r. Cuntaka sangkaning kesediaan sedurung mesesapuh.

Pawos 39

Pidabdab sane tan dados kemargiang ring Pura :

- (1) Nungguh tedun ring pelinggih sejawaning pituduh Pra-
juru Desa, Yan mamurug kedanda 5 kg beras.
- (2) Masumpah sajawaning polih lugraha Prajuru Desa, Yan-
mamurug kedanda 50 kg beras.
- (3) Nyolahang ilen-ilen sejawaning pidabdab wali, Yan -
mamurug kedanda 50 kg beras, tur ilen-ilen inucap -
kewandeang.
- (4) Majeduden, yan mamurug kedanda 10 kg beras kang sedi
ri.
- (5) Prade wenten anak kasurupan, yan kesangsayain patut-
kepintonin antuk genin dupa akatih, yan tan yukti -
kedanda 50 kg beras, tur ngantukang barang sane keru
sak meweweh upacara pemerayascita.
- (6) Macihna ngawetuang biote kedanda 5 kg beras, tur wi-
carania katur ring sang Amawerat.
- (7) Rikalaning makemit lanang istri sane sampun munggah-
bajang-teruma tan dados sirop dados asiki, Yan mmu-
rug soang-soang kedanda 5 kg beras tur sang melaksa-
na patut kebudalang.

Pawos 40

- (1) Ring soang-soang Kahyangan Desa patut keadegang Pe -
mangku.
- (2) Tata Cara ngadegang Pemangku kadi ring sor :
 - a. Ngawilang saking turunan.
 - n. Munas pawuwus Widi/ Nyaujan.
 - c. Kasudi olih Krama Desa.
 - r. Turun Sekar.

Pawos 41

Kengiu ngawentenang Penyada (wakil) Pemangku manut kabu
atan.

Pawos 42

Prebeya ngawentenin Pemangku ring Kahyangan Desa inucap
ring ajeng kemedalin antuk Krama Desa.

Pawos 43

Pemangku ring Kahyangan Desa kapiambeng, indik pengaci,
dados kemargiang antuk Pemangku sane siosan, sane kepi-
ambeng minakadi :

- a. Penyada (Wakil).
- n. Pemangku sane kesinanggeh sunawih ring Pemangku Kah-
yangan Desa.
- c. Yan wenten Sinalih tunggil Pemangku Kahyangan Desa -
kapialang sane patut ngentosin amung Pemangku Kahya-
ngan Desa sane siosan.

Pawos 44

Sane dados keadegang Pemngku luwir ipun :

- a. Tan Cedangga.
- n. Tan macihna sungkan-sungkaman.
- c. Tan macihna melaksana corah.
- r. Wikan nyurat utawi ngewacen aksara Bali, utawi latin
sejawaning sangkaning pawuwus Widi.

Pawos 45

(1) Pemangku kegentosin riantukan :

- a. S e d a.
- n. Pinunas ngeraga risampun polih lugraha saking -
Paruman Desa.
- c. Mecihna Sungkan-sungkaman.
- r. Mecihna melaksana corah.
- k. Tan ngelaksanayang Swadarmaning Pemangku sane -
sampung kecihnayang antuk Pemutus Perarem Desa.

(2) Swadarmaning Pemangku...

(2) Swadarmaning Pemangku :

- a. Nitenin lan Nyanggra indik kesucian Kahyangan.
- n. Ngantebang aturan rikala ngelaksanayang aci, muah sane siosan sejawaning sane kepuput olih - Sulinggih.

(3) Tetuas Pemangku :

- a. Nyakap tanah druwen Pura.
- n. Saking sesarin Canang apah tigaan.
- c. Luput ayahan lan paturunan.
- r. Prade sinalih tuoggil Pemangku Kahyangan Desa - Seda prebeya Upakara pengabenannia kemedalin - olih Desa merupa :
 - Beras 300 kg.
 - Ketan 50 kg.
 - Jinah bolong 225 keteng.

Pawos 46

Rerahinan-rerahinan sane katah kemargiang ring Desa - Adat Komala luwir ipun :

- a. Kajong Kliwon.
- n. Purname/ Tilem.
- c. Sasih Sada Ngusaba ring Pura Dalem, karemba antuk - Banjar Adat Bukit paon saha Sekaha Teruna/teruminya ne sane misarengin. Benjangne kemargiang panyepian-wentah arahina luwir ipun nyepi :
 - 1. Amati Geni.
 - 2. Amati lelungayan.
 - 3. Amati Karya.
 - 4. Amati lelanguan.
- r. Sasih Kasa ngusaba Emaping ring Pura Telaga, karemba antuk Tempek Desa Kangin saha peayah-ayah Pendet, le gong lan seraman karemba antuk Sekaha Teruna/Teruni Banjar Adat Linggasana, ngawit ngaturang piuning - Krama Desa nenten kedadosang mekarya kalih metetan-duran ring bangket muah ring pakubonan. Yan wenten masurug wonang kekeninin danda 10 kg - beras.
- k. Sasih Kapat.....

- k. Sasih Kapat ngusaba ring Pura Puncaksari, karemba-
antuk Tempek Desa Kelod saha Sakeha Teruna/teruni-
Banjar Adat Komala sane ngaturang payah-ayah pen-
det, legong lan seraman.
- d. Sasih Kelima Ngusaba mapag Toya ring Pura Ulunsuwi
karemba antuk Tempek Desa Kaja saha sekeha Teruna/
Teruni Banjar Adat Linggasana sane ngaturang pa-
yah-ayah pendet, legong lan seraman.
Wus punika wawu dados Sekeha-sekeha Subak ngatu -
rang paaci-aci Mapag Toya ring Soang-soang subak -
manut simamia. Mawates ngantos Sasih Kedasa.
- t. Sasih Kepitu Ngusaba Pengapituan ring Pura Puseh -
Desa, karemba antuk Tempek Desa Kauh (Tempek Desa
Pesasure Tegak Ayahan Desa) saha Sekeha Teruna /
Teruni Banjar Adat Komala sane ngaturang payah -
ayah pendet legong lan seraman.
- o. Prewanining Tilem Kepitu kawentenang Upacara Siwa-
latri, karemba antuk Krama Desa Adat sareng sekeha
Teruna/Teruni se- Desa Adat Komala sane misarengin
magenah ring Pura Puseh Desa Adat Komala.
- w. Sejawaning rerahinan-rerahinan sane mungguh inucap
ring ajeng taler kemanggih Upacara Usaba Dangsil-
Usaba Gede sanunggil sasih Kapat Hgedasa warsa -
apisan.

Mungguwing prebeya pengusahaan inucap saking :

1. Urunan seking Krama Desa Adat Komala.
2. Ngerampag ring sajroning pakubon se-Desa Adat Komala luwire :

Kelapa aijeng, pisang aijeng, tihing akatih, wit -
Jambe Awit sedah awit, sajeng awit kakeninin satung
gil kubone sane acutek/ asukat ngawit nigang (3)
sasihang ring usaba sampun ngeker.

Bawos 47

Ngawit Anggara Wage Dungulan patut Krama Desa Adat Ko-
mala ngadegang Panjor mesangguh cucuk ngantos Buda Kli-
won Paang. Yen mamurug kedanda 2 kg beras.

Bawos 48.....

Pawos 48

Ring rahina Buda Wage Klawu kebawos Payogan IDA BETARA RAMBUT SEDANA patut Krama Desa Adat Komala ngawente - nang aci-aci ring Sanggah melanting sane magenah ring- Pazar Desa sane ring Biyade/ sampun kaempon antuk Seka ha Pazar antuk pengaci puniki.

Pawos 49

Prade wenten wewangunan ring Kahyangan Desa ke Durmang galan sane kawosanayang antuk :

- a. Kegeni bhaya.
- n. Kerubuhan.
- c. Kebayu bhaya.
- r. Toya bhaya.
- k. Pati bhaya.
- d. Dusta bhaya.

Prajuru patut ngawentenang pamahayu ring wewangunan -- inucap saha ngupacarain antuk pamarisuda.

Palet 2

Indik Resi Yadnya

Pawos 50

Seng andruwe Yadnya patut ngaturang punia ring Sang sa ne muput Yadnyane.

Pawos 51

Prajuru patut ngawas tur ngayomin mialangin Yan wenten pemargi ngelantudin pemargin Yadnya.

Pawos 52

(1) Krama Desa Adat Komala patut ngawas nitenin katuntun antuk prajuru mangda yadnyane sane kawentenang kajacen pemuput olih Sang Sulinggih utawi Pemangku-manut dresta.

(2) Prajuru patut nuntun saha ngawengala Krama Desa -- Adat Komala ngawas nitenin sepemargin wikune ring-wewidangannya, pamekas mikukuhin kesucian Linggih-ida.

Palet 3.....

Palet 3
Indik Pitra Yadnya
Pawos 53

Tan wenang ngemargiang Upacara ngeseng sawa lan ngemar
giang Upacara Pengebenaan rikalaning larangan Desa seka
di ring sor :

- a. Rikala Betara Nyejer.
- n. Melaspas Pelinggih.
- c. Ngayum Pedagingan.

Pawos 54

(1) Tan wenang mendem sawa sejawaning mendem pekinsan rika
laning larangan sekadi ring sor :

- 1. Soma Kliwon.
- 2. Anggara Kliwon.
- 3. Buda Kliwon.
- 4. Sukra Kliwon.
- 5. Saniscara Kliwon.
- 6. Buda Wage Klawu.
- 7. Tanggal/Panglong Apisan.
- 8. Tanggal Panglong Kaping 14.
- 9. Waraspati tanggal/ panglong kaping 8.
- 10. Anggara Wage Dungulan.
- 11. Naga Naut.
- 12. Kala Gotongan.
- 13. Busaya.
- 14. Semut Sedulur.

(2) Prade wenten Krama Desa sane mamurug nanem, wenang ke
bungbungin nyolong kawatangannia ring sor/ hulu.

(3) Prade watangnia jaga kageseng dados keraksa ngantos -
rauh padewasa pangesengannia, sikiwanten watangnia -
puniki patut kasuntik antuk pormalin.

Pawos 55

Sang Seda/ Padem sadurung maketus tan wenang keabenang,
iki patut kaupakara pangelungahan, yan sampun maketus iki
wenang keabenang.

Pawos 56

Sawa sane keebet ring Setra wenang keupakara sawa Prete ka ring genah panelutugane sane sampun kemanggehang antuk Desa ring soang-soang Setra.

Pawos 57

Mungguhing genah panelutugane sane sampun kemanggehang-antuk Desa, Yan Ugi wenten pacang nggnggen nelutug, patut ngesasihang sampun wenten pasadok ring sane nuwenang utawi nyakap/ ngaryanin tanah inucap mangda nenten katan durin. Yan sampun wenten pesadok taler tanah inucap - ketandurin, Olih Desa Adat Komala sane nuwenang utawi - sane nyakap kekeninin pamidanda 75 kg beras.

Yan prade durus mekarya ngaben nanging tan durus ngangge tanah inucap genah nelutug, sane ngambilang karya - inucap olih Desa Adat Komala kekeninin pamidanda 75 kg beras.

Pawos 58

- seka*
- a. Sawa sane keebet ring *Setra* patut kegeseng ring Setra ✓
tur abun nyane patut keanyut.
 - n. Tata Cara nyawa kresian kedadosang ring soang-soang-pekarangan krama.
 - c. Ngeseng sawa utawi sawa kresian ugi patut ring Setra.
 - r. Prade wenten memurug sinalih tunggil kecap ring ajeng kedanda 10 kg beras meweweh Upacara Penyangaskara - ring Desa.

Pawos 59

Yaning Sawa Tirta (Ngrecedana) manut kadi ring ajeng-yaning genah pangutangannia sampun kemanggehang kadi - ring sor puniki :

- A. Rika Krama Desa mekarya ngaben genah penganyudannia - ring segara utawi dados ring tukad Pengadengan.

n. Rikala.....

n. Rikala Krama Desa mkarya Atma Wedana (Ngeroras)
genah penganyudannia ring segara utawi dados ring-
tukad Belulangan.

c. Yan mamurug sinalih tunggil kecap ring ajeng kedan
da 10 kg beras tur maweweh Upacara penyangaskara -
ring Desa.

Pawos 60

- (1) Yaning Krama Desa ngemargiang Upacara Dewa Yadnya -
Resi Yadnya-Pitra Yadnya kalih Buta Yadnya, tan da -
dos ngemargiang pangewales kalih majot-jotan majeng-
ring Krama Desa, sejawining ring pakulewarga kadang-
wargania sane tunggal sesembahannia sang ngamong kar-
ya inucap.
- (2) Yan wenten Krama Desa sane mamurug wenang kakeninin-
pamidanda 10 kg beras kaparo kalih dados sane mekar-
ya keni 5 kg beras kalih sane nampenin keni 5 kg -
beras kang sediri.
- (3) Yan Krama Desa ngemargiang Upacara manusa Yadnya da-
dos ngemargiang pangewales kalih majotjotan sapeka -
yum gung arsania kang ngambilang karya.

Palet 4

Indik Bhuta Yadnya

Pawos 61

- (1) Bhuta Yadnya inggih punika pabiyakalan ring Ibu Perti-
wi miwah Kahyangan majeng ring sarwa prani muah ring-
sarwa bebutan.
- (2) Upakara-upakara pabiyakalan ring Ibu Pertiwi miwah -
ring Kahyangan Desa lan ring bebutan kewastanin meca-
ru.
- (3) Pecaruan inucap Utama, Madya lan Nista manut wigunan-
nia kadi ring sor :

a. Eka Sata.

n. Panca Sata.

c. Resigana.

r. Panca Sanak.

k. Panca Kelud.

d. Balik Sumpah.

t. Tabuh Gentuh.

Pawos 62

Prade ring wewidangan Desa Adat Komala sarwa tumbuhe keme-
ranan Desa patut ngewentenang Upacara penangluk merana.

Pawos 63

- (1) Setunggil ngewarsa ritatkalaning Tilem Kesanga olih -
Desa kewentenang Tawur Kesanga utawi mecaru ketah ke-
bawos Ngerupuk, maka cihna pacang mapag rahina penye-
pian benjangne.
- (2) Upacara Penyepian sane kemargiang antuk Krama Desa -
luwire :
 - a. Amati Geni, tan kengin meapi-api.
 - n. Amati Karya, tan kengin mekarya utawi nyambut gawe.
 - c. Amati Lelungan, tan kengin mebalukaking umah peka-
rangan.
 - r. Amati Leluguan, tan kengin nepak sakeluwiring sa-
ne ngawetuang suara-suara sekadi radio, televisi -
kukul lan sapenunggilannia.
- (3) Peberataan inucap kemargiang arahina, sakeng semeng -
ngantos semeng benjangne, raris kesuarayang kukul -
maka cihna pengembak.
- (4) Sang mamurug sinalih tunggil kecaping ring ajeng keni
pamidanda gung arta 1 kg beras, sejawaning kelugrahin
antuk Prajuru Desa.

Palet 5

Indik Manusa Yadnya

Pawos 64

- (1) Manusa Yadnya inggih punika Upacara-upacara darmaning
manua ngawit saking patemoning kama bang lawan kama -
putih sajroning garba sekantun maurip.
- (2) Sang pacang mapodgala madwijati, sejaba nunas panugra-
han ring Sang Amawerat patut atur supeksa ring Praju-
ru Desa.

(3) Prajuru Desa.....

- (3) Prajuru Desa sareng nitenin, nureksa mangda sulur - miwah pemargine jati-jati manut ring kecaping Agama.
- (4) Sesampun puput padwijatine, Prajuru Desa patut digelis ngentosin pasengan sang madwijati ring sehanan-likita antuk bisika kawikon manut panugrahan Nabene saha kesiarang ring Paruman Desa Adat Komala.

SARGA V

SUKERTA TATA PAWONGAN

Palet 1

Indik Pawiwahan

Pawos 65

- (1) Pawiwahan inggih punika patemoning purusa lan Prada na melarapan panunggalan kayun suka Cita, kadulurin Upasaksi sekala niskala.
- (2) Pemargi Pawiwahan sekadi ring sor :
 - a. Pepadikan Inggih punika sangkaning paigum suka - cita sang kalih, saha kedulurin antuk paigum pakeluargannia.
 - n. Merangkat inggih punika sangkaning suka cita - sang kalih lanang istri.
- (3) Pidabdab sang mawiwaha patut :
 - a. Senistania sampun munggah dehe teruna.
 - n. Sangkaning kayun pada tresna asih.
 - c. Manut kecaping Agama Hindu.
 - r. Prade ngambile saking siosan Agama patut kemargi ang Upacara Sudi Wedani.
- (4) Pemargin Pawiwahan inucap patut nganutin Awig-Awig-Desa Adat Komala, Sukertan Sang Amawerat lan manut-tata cara Agama Hindu.
- (5) Pemargin Pawiwahan mangda atur supeksa lan kesaksi- nin olih Prajuru Desa saha ilikita pastika saking - Sang Amawerat, Yan kapurug kedanda 10 kg beras.

Pawos 66.....

Pawos 66

Pawiwahan sane kepatutang ring Desa Adat Komala sesampune mecihna sekadi :

- a. Pawidi widanaan cenistania masemayut pabiyakalan.
- n. Patut atur Supeksa ring Prajuru lan ring Sang Amawerat.
- c. Naur prebea kesaksian 2,5 kg beras.

Pawos 67

Tata Cara pawiwahan sekadi ring sor :

- a. Wirang lanange patut ngemargiang pejati sekirangnia - kalih diri saha tan kasepan ring arahina sejawaning - pengambilan ngelintangin segara.
- n. Prado pemargin rangkate kesumendiain sekadi me- rangkat rahina lan sepenunggilannia dados wirang wado- ne ngemargiang penegdeg maritatas pemargin rangkate - manut tata cara negteg utawi natos kesarengin antuk - Prajuru Desa lan Sang Amawerat, saha wirang wadone tan dados makta saluwibing gegaman.
- c. Pemuput pawiwahan patut ngemargiang peperadangan sea - kehnia ping tiga.

Pawos 68

(1) Pawiwahan sane tan kepatutang kadi ring sor :

- a. Gamia Gamana luwire :

Ngerangkatang tumin, ngerangkatang tumin dianyama, Ngerangkatang pianak dianyama, Nerangkatan pianak- temen, Nerangkatan biyang diayama, Ngerangkatang - semeton Sodel, Ngerangkatang semeton sios biyang Ngerangkatang semeton dicambra, Ngerangkatang seme- ton peperasan, Ngerangkatang semeton tunggal susu, Ngerangkatang pianak dicambra. Yan wenten krama - memurug sinalih tunggil kadi kecaping ring ajeng - patut kepalasang, tur denda 100 kg beras saha mawe- weh pengeresigana ring desa.

Prade tan setinut ring sedaging keputusan desane - sang melaksana patut wicarania keaturang ring Sang Amawerat.

n. Yan wenten.....

- n. Yan wenten anak lanang mecihna angrabinin wong alaki rabi, Sang angrabinin inucap kedanda 200 kg beras tur wirang anake istri patut ngaturang wicariania ring Sang Amawerat, yan mamurug kedanda 100 kg beras.
- c. Yan wenten anak lanang ngerangkatang anak istri sansane kantun merabian kedanda 300 kg beras tur wirang anake istri patut ngaturang wicariania ring Sang Amawerat, Yan mamurug kedanda 100 kg beras.
- d. Yan wenten anak mecihna memitra ngalang sekadi anak mekurenan patut Prajuru Desa maosin tur ngicen tetimbang :
1. Yan Sang kalih sami-sami nenten medruwe rabi patut kerangkatang, Yan tan preside wicariania katutur ring Sang Amawerat.
 2. Yan Sang lanang sampun medruwe rabi patut pamarigin memitra lanange kopelasang, tur rabin lanange utawi wirang anake istri patut ngaturang wicariania ring Sang Amawerat, Yan mamurug kedanda 100 kg beras.
- (2) Prade lanange lan istrine sami-sami saking Desa Adat Komala tur wangsane pateh, ring peserah pebaktiane ring Sanggah Kemulan patut sareng-sareng maktiang baktine.

Palet 2

Indik Palas Merabian

Pawos 69

- (1) Perabian preside wusan melarapan antuk palas utawi kesedaan.
- (2) Wusan mekurenan riantukan sinalih tunggil seda, mapiteges balu mekadi balu lanang utawi istri,
- (3) Palas merabian wenten sangkaning pada lasia utawi me-wiwit wicara, mecihna tan tumus suka citaning penunggalan idep sang alaki rabi mapiteges nyapian.

Pawos 70.....

Pawos 70

(1) Tata Cara Palas merabian :

- a. Yan wenten Krama Desa mapikayun jagi palas merabian patut atur supekta ring Prajuru Desa.
Wicaranya kebawosin tur kaicen tetimbang ring Paru-
man Prajuru Desa, Tetimbang punika mangda setata -
ngutsahayang adung malih.
- n. Yan tetimbang Prajuru Desa tan katerima, wicarane -
dados kelanturang ring Sang Amawerat.
- c. Palas merabian kasinanggeh sah sesampun polih pemu-
tus saking Sang Amawerat, saha kesiarang ring sang-
kepan Desa Adat.

(2) Sane palas merabian patut nawur prebeya pesaksi ke -
Desa gung arta 10 kg beras.

Pawos 71

(1) Swadarmening balu luh amung dados muponin kemaon olih
olihan warisan saking rabine, selami pageh dados balu
an, sekantun dados wirang rabine.

(2) Manut sekadi pawiwahan ring Desa Adat Komala, sinalih
tunggil krama dados ngerangkatang baluan semeton keli
han, tan dados ngerangkatang baluan semeton alitan.
Yan mamurug :

- a. Rangkate kepalasang.
- n. Tan dados ngeranjing ke Pura.
- c. Prade riwekas sinalih tunggil seda sawane patut ke
pendem ring setra pengilang-ilangan.
- r. Kedanda 25 kg beras.

Pawos 72

(1) Balu luh kasinanggeh tan pageh luwire :

Masihna matilar saking paumahan tan pesadok ring waris
rabine sajroning 3 (tigang) sasih.

(2) Yan sampun macihna kadi ring ajeng, manut ilikita, buk
ti, saksi, waris lanange kengin ngemulihang dehe, na -
nging tan polih bebagian punapa-punapi.

(3) Prade.....

- (3) Prade balu inucap pagedh nganutin swadarmaning balu, katundung olih waris rabine, wicaranya wenang keba-wosin olih Prajuru Desa, mangda keicenin tetimbang, prade tetimbang inucap tan ketinutin wicaranya ka-tur ring Sang Amawerat.

Palet 3

Indik Pari Sentana

Pawos 73

- (1) Mungguhing indik sentana wenten kalih palet luwire;
 - a. Pretisentana.
 - n. Sentana Peperasan.
- (2) Yan wenten Krama Desa pacang meras sentana patut matur supeksa ring Prajuru Desa, sekedika asasih sedurung upacara pemerasan kemargiang kalih ring pe-muput polih lekita saking Sang Amawerat.

Pawos 74

Tata Cara pemerasan sekadi ring sor :

- (1) Prajuru Desa Adat rigelis mawosin tur ngicenin pemu-tus dados kelawan tan dados pemerasan punika kemar-giang.
- (2) Pemerasan sane kasinanggeh patut ring Desa Adat - Komla risampun ngemargiang :
 - a. Upacara pemerasan.
 - b. Kesaksinin antuk Prajuru Desa Adat, tur kesiarang ring Paruman Desa.
 - c. Ngelekitayang mungguhing pemargin upacara pemerasan.
- (3) Sane patut keperas anggen sentana kadi ring sor - puniki :
 - a. Anak sane me Agama Hindu.
 - n. Pepernahan nedunang saking sang meras.
 - c. Keluarga saking purusa, yan tan wenten kengin sa-king wadon, prade tan wenten sekadi ring ajeng - wawu sekita karep.

Palet 4

Indik Warisan

Pawos 75

- (1) Warisan inggih punika tetamian arta berana saha ayah ayahan lan utang piutang ngupadi sukerta sekala nis-kala saking keluhurannia marep ring turunannia.
- (2) Sane kinucap Warisan luwire :
 - a. Druwen tengah, Karang Pahumahan, Pemerajan lan - sepenunggalan ipun.
 - n. Pegunakayan, tetatadan jiwa dana, utang piutang - lan sepenunggilannia.
- (3) Wawu kengin kebawos warisan prade :
 - a. Wenten Sang seda utawi pewaris.
 - n. Wenten turunannia utawi waris.
 - c. Wenten arta berana miwah tetegenan/ ayahan merupa Warisan.

Pawos 76

- (1) Waris luwire :
 - a. Pretisentana kepurusa.
 - n. Sentana peperasan.
- (2) Prade tan wenten waris manut wiwit (1) sane dados - waris luwire :
 - a. Turunan kepurusa kepernah ngunggahang mekadi rera me dia nyame, rerama dimisan, rerame diamindon - kalih selantur ipun ngunggahang.
 - n. Turunan kepurusa kepernah kesamping mekadi : keponakan, keponakan diamisan, keponakan diamindon miwah selanturnia nedumang.
- (3) Yan putung utawi Camput tan medruwe pepernahan kewaris antuk Dadia, Yan tan wenten Dadiania patut ke - Desa Adat.

Pawo 77

Pahpahan Warisan wawu dados keepah sekadi ring sor :

- (1) Risampun kelaksanayang Upacara pengabenan lan utang-utangnia buntas ketawur.

(2) Para Waris.....

- (2) Para Waris polih pahpahan pada, sakewanten majeng-
ring waris sane pinih alit amung wenang molihang -
lintangan paon abungkul.
- (3) Sinalih tunggil waris ring ajeng tan polih pahpahan
prade mecihna ;
 - a. Metilar saking Agama Hindu.
 - n. Meciha nyentana rejeg.
- (4) Pewaris kengin mapuweh sekarine maurip pinaka ;
 - a. Jiwa dana tetatadan bekel maka cihna paweh tetep
ring oka istri sane sampun merabian.
 - n. Paweh pewaris mecihna jiwa dana tetatadan tan -
dados langkungan ring pah tigaan saking arta bera
na padruwean pewaris.
 - c. Pewaris sekantum maurip dados ngedumang arta be-
rana lan tetegenan wiaidin pedum raksa ngantos pa
dum jumenek arep ring waris.

SARGA VI

WICARA LAN PAMIDANDA

Palet 1

Indik Wicara

Pawos 78

- (1) Sane wenang mawosin/ mutusang wicara ring Desa Adat
Komala inggih punika ;
 - a. Prajuru Desa sinanggeh Kerta Desa.
 - n. Sangkepan Banjar prade sang mewicara patunggilan-
Banjar.
 - c. Sangkepan Desa Adat prade sang mawicara patunggi-
lan Desa Adat.
- (2) Prade Sang mawicara tan wenten cumpu ring penepas -
Sangkepan Banjar Krama wenang nunas pemutus ring -
sangkepan Desa Adat Komala, Prade tan cumpu ring pe-
mutus Sangkepan Desa Adat dados numasang ring Sang -
Amawerat.

- (1) Sehanan Wicara sane mawiwit kesinanggeh nungkasin se daging Awig-Awig, Pasuwara lam perarem Desa patut di gelis kebawosin mewaneng tan jantos lintang ring asangkepan Desa.
- (2) Sejaba punika manut sang numasang bebawos.
- (3) Penepas sehanan Wicara melarapan Tripremana tan maren mangda nepek ring sedaging Awig-Awig, Pasuwara, perarem, dresta miwah Sastra Agama.
- (4) Prajuru Desa kengin numasang pamatut ring Sang Amawerat, prade wenten Krama Desa tan setinut ring pemutus Paruman Desa.

Palet 2

Indik Pamidanda

- (1) Desa utawi Banjar wenang niwakang pemidanda ring warga Desa/Banjar sane sisip.
- (2) Patiwak inucap kelaksanayang olih Prajuru Desa Utawi Klian Banjar.
- (3) Agung Alit pemidanda mesor singgih kesisipannia tanmaren ngupadi darma kawelas asihan, pinih ajeng kasuda malan Desa.
- (4) Bacakan pamidanda luwire :
 - a. Denda artha muah penikelpenikelannia.
 - n. Upakara- Upakara.
 - c. Kesengingang ring Krama Desa.
 - r. Lad mekrama Desa.
- (5) Jinah utawi artha brana pamidanda ngeranjing druwendesa. Yan kapurug Krama inucap yogya kesengingang.
 - a. Krama senging apisan mepekayun malih tedun mekrama wenang nawur sehananing utangnia paweweh danda sesengingang 10 kg beras.
 - n. Krama senging kaping kalih wenang nawur sehananing utangnia maweweh denda sesengingang 20 kg beras.

- c. Krama sening kaping tiga wenang nawur sehananing -
utangnia meweweh denda seseningang 40 kg beras.
- r. Sang sening tan kewenangang :
 - 1. Polih Pemangku dikaloning ngaturang sesangi ring
Kahyangan Desa.
 - 2. Tan polih tirta ring Dalem rikala kepelebonang.
- k. Sang sening yan sampun ketawurin utang-utangnia -
kewenangang polih tirta ring Dalem wiyadin polih -
Pemangku ritatkala nawur sesangi.
- d. Prade wenten Krama sening lintangang ring ping ti-
ga yogya lad mekerama Desa.
- t. Sang lad tan dados ngeranjing ke Pura :
Kahyangan Desa, Paibon, Pemaksan lan Banjar.
- s. Sang lad punika taler tan wenang polih pemangku ri-
kala nawur sesangi kalih tan polih tirta ring Dalem
rikala kepelebonang.
- w. Sang lad punika yening jaga kepelebonang olih waris
nia tur jaga nyaratang ngelungsur tirta ring Dalem-
patut :
 - 1. Mngda warisnia matur supeksa ring Prajuru Desa-
saha nunas pengampura ring paruman Desa.
 - 2. Warisnia patut nawurin sehananing utang-u tang -
sang lad.
 - 3. Prade sinalih tunggil nyarengang melebonang kra-
ma sane sampun lad, tan wenten atur supeksa ring
Prajuru Desa patut kedanda 100 kg beras.

Pawos 81

- (1) Rikala pewenangan nawur jinah pepeson muwah dedan -
dan yening celed mewaneng asangkepan kemi pamidanda
nikel.
- (2) Risampun keni nikel, mewaneng malih asangkepan ma -
lih tan nawur wenang manut tata cara kadi ring sor:
 - a. S e n g i n g.
 - n. Saking seninge mewaneng awarsa tan katawur we -
nang keeladang.

SARGA VII
NGUWAH-NGUWUHIN AWIG - AWIG
Pawos 82

- (1) Nguwah-Nguwuhin Awig-Awig Desa Adat Komala kemar-
giang antuk Perarem Desa.
- (2) Paruman inucap mangda kedasarin antuk gilik sagu-
luk Krama Desa.
- (3) Pemutus kedasarin antuk gilik seguluk melarapan -
perarem.
- (4) Tan presida suara sane ekehan sat maka pemutus.

Pawos 83

Paruman indik Nguwah-Nguwuhin Awig-Awig sekadi ring -
ajeng kenging kemedalang antuk Prajuru Desa.

SARGA VIII
P E M U P U T
Pawos 84

- (1) Awig-Awig puniki kewastanin AWIG-AWIG DESA ADAT -
KOMALA.
- (2) AWIG-AWIG puniki kemargiang ngawit keraremin.

Pawos 85

- (1) Sakeluwiring sane wenten sedurungo patut keanutang
ring sedaging Awig-Awig puniki.
- (2) Sakeluwiring sane durung kebawos sajroning Awig -
Awig puniki patut kelaksanayang manut tata cara -
sane sampun ketah kemargiang kedulurin antuk pera-
rem.

Pawos 86


- (1) Awig-Awig puniki keraremin duk ;
Rahina ; BUDA WAGE WARA NENAIL, SASIH KARO.
Isaka ;
Tanggal ;

(2) Awig-Awig

(2) Awig-Awig puniki kalingga tanganin antuk Prajuru Desa Adat Komala, Klian Banjar Adat, tur kesaksinin antuk Klian Banjar Dinas/Kepala Dusun Sewewidangan Desa Adat Komala, Kepala Desa Budakeling, miwah Camat Bebandem.

(3) Luwir Sang ngelingga tanganin :
Kepertama Prajuru Desa Adat Komala :

1. Klian Desa Adat Komala,


I WAYAN PUTU.


2. Penyarikan Desa Adat Komala,


I KETUT SINTA.


3. Penyarikan/Juru Raksa,


I KETUT MANGKU.AR.


4. Klian Banjar Adat Komala,


I WAYAN SUKRA.

5. Klian Banjar Adat Linggasana,


I NENGAH WARTA.

6. Klian Banjar Adat Bukit Paon,


I MADE SADRA.

Kaping Kalih Prajuru/Dinas Desa maka saksi :

1. Klian Dinas Banjar Komala,

I MADE TANDUR.

2. Klian Dinas Banjar Dagingsema,

I KETUT GELONOK.


3. Klian Dinas Banjar Linggasaha,


I MADE DEGENG.

4. Klian Dinas Banjar Bukit Paon,

I WAYAN RANGGUTAN.


 Kepala Desa Budakeling,
 I DA WAYAN GEDE.
 NIP.600001743.


 CAMAT BEBANDEM ?
 I NENGGAH SUARTIKA.BA.
 NIP.600004349.

Sampun Kasinaskara Olih :



IDA PEDANDA GEDE MADE JELANTIK KARANG

Mengetahui dan telah dicatatkan :

Tanggal : 13 Januari 1998

Reg. Nomor : 04/1998


 BUPATI KEPALA DAERAH TINGKAT II KARANGASEM ,

KETUT MERTHA, Sm IK.

TIM PENYEMPURNAAN/PENELITIAN PENYURATAN AWIG-AWIG DESA
ADAT KABUPATEN DAERAH TINGKAT II KARANGASEM.

- Penanggung Jawab : Bupati Kepala Daerah Tingkat II Kr.Asem.
P e n a s e h a t : Sekretaris Wilayah/Daerah Tingkat II -
Karangasem.
K e t u a Umum : Asisten Tata Praja Setwilda Tingkat II
Karangasem.
K e t u a : I Wayan Yastra,SH (Kepala Bagian Hukum
Setwilda Tingkat II Karangasem.
Wakil Ketua : Ida Bagus Pidade Adiputra (Ketua Parisada
Hindu Dharma Kabupaten Karangasem)
Sekretaris : I KETUT TUNAS (Pjs.Ke.Sub.Bag.Bantuan -
Hukum pada Bagian Hukum Setwilda Tingkat
II Karangasem)
Bendahara : Ni Wayan Sutiasih,BA (Staf Bagian Hukum
Setwilda Tingkat II Karangasem)
Anggota - Anggota : - I Nengah Pasek,Sm HK (BPPLA Kabupaten
Karangasem).
- I Gusti Made Dyatmika (Parisada Hindu
Dharma Kabupaten Karangasem).
- Ida Bagus Wayan Jungutan (Kasi pembi
naan Umum/Pembinaan Masyarakat pada
Kantor SOSPOL Kabupaten Karangasem).
- Drs.I Wayan Suter (Staf Kantor Depar
temen Agama Kabupaten Karangasem).
- Drs.Ida Bagus Wayan Uka Diksa (Staf -
Kantor Departemen Agama Kab.Karangasem).
- A.A.Made Darta (Staf Kejaksaan Negeri
di Amlapura).
- I Nengah Warki,SH (Ke.Sub.Bag.Peraturan
Perundang-undangan pada Bagian Hukum
Setwilda Tingkat II Karangasem).
- I Ketut Sutawan (Staf Polres Karangasem).
- I Gusti Lanang Jendra (Ke.Sub.Bag.Agama
Pendidikan dan Kebudayaan pada Bagian -
Sosial Setwilda Tingkat II Karangasem).

- Ida Bagus Ngurah SWD (Parisada Hindu Dharma Kabupaten Karangasem).
 - Ida Bagus Ketut Tantra (Staf Pengadilan Negeri Amlapura).
 - Drs I Wayan Switra (Ka.Sub.Bag.Dokumentasi Hukum pada Bagian Hukum Setwilda Tingkat II Karangasem).
-

Amlapura, 2 Desember 1994


Tim Penyempurna/ Penelitian Penyusunan
AWIG-AWIG Desa Adat Kabupaten Daerah -
Tingkat II Karangasem,

Ketua,



WAYAN YASTRA, SH

Sekretaris,



I KETUT TUNAS.

#####